

優婆夷淨行法門經

上

二百二
行七

48785



元祿九年丙子二月日重修

皇圖聖圖 帝潛綴昌

佛日增輝 懋輪崇轉

山城州天安寺法金剛院置



優婆夷淨行法門經卷上

行七

出安公涼土錄失譯師名

修行品第一

如是我聞一時佛住舍衛國彌伽羅母弗婆
羅園歡喜殿中於是毗舍佉母與千五百清
信優婆夷來詣佛所稽首佛足却住一面

尔時佛告毗舍佉何緣晨朝而來至此毗舍

佉母白佛言世尊已聞如來先所略說其深

難解無上之法名曰優婆夷淨行惟願世尊

哀愍我等廣演分別微妙法相令我等輩聞

此已當來長夜安隱快樂天上人中乃至菩

提佛語毗舍佉母善哉善哉善女人汝於往

昔無量劫中常樂聞法與諸眷屬曾於我所
貪求廣說毗舍佉母聞佛所說往昔因緣歡
喜踊躍而白佛言世尊惟願如來為我宜說
令得開解

佛告毗舍佉請聽請聽我當為汝分別略說

善女人過去久遠無量劫中今時有國名波

羅柰王行七号梵與其王夫人名跋陀羅玉有一

女名曰蓮華形貌端正稟性儒賢聰慧明了

志樂多聞精勤勇猛常修善行於世技藝善

能通達恒為父母之所愛重

今時雪山有一梵志名那羅馱勤修梵行得

五神通恒為大衆廣說諸法名聞遠徹流於

四方尔時女從善友所聞讚於梵志神通如
是功德難量常為大衆宣揚妙法心生歡喜
便自念言善人難見法亦難聞身命難保是
故我今宜應速往禮拜問法作是念已往父
母所而自啓曰聞人稱歎梵志修行道德巍
巍惟願父母聽許我等往詣梵志聽受法味
父母答言汝今年幼生長深宮稟性柔爽初
未曾出雪山懸遠路險艱難汝今云何當能
到彼吾國多有耆舊梵志神智無二善能宣
說甚深妙法我當為汝請入宮內講論道法
恣汝所聞勿須去也女又請曰波羅柰國耆
舊梵志皆悉尊重推其道術惟願聽許得聞

法要王以愛念不違其願勉而許之

尔時父王即勅四臣及宮中妹女莊嚴供養
皆使具足臣白王言大王所勅皆悉已辦於
是王女心自念言我求聽法今正是時便與
宮中妹女眷屬千五百人賣持香華往詣梵

志而便聽法

佛告毗舍佉行七尔時王女者汝身是也雪山梵

志者即我身是汝於往昔曾求廣說今亦如
是我當為汝分別演說淨行法門毗舍佉母
白佛言善哉世尊如來大慈哀愍衆生願為
解脫我當修行

佛告毗舍佉汝等諦聽我今為汝廣演分別

優婆夷淨行法門如是法者乃是諸佛之所
護念汝今應當精勤修學毗舍佉若善女人
捨惡知識親近善友應供養者而供養之是
則名為優婆夷淨行

宿因所感處好國土善安置身亦名淨行
供養父母奉事夫主瞻視兒息亦名淨行
勿於小罪而生輕想所應作者次第作之亦
名淨行

常樂布於修習作法愛念親友亦名淨行
遠離飲酒不為衆惡常修愛語亦名淨行
多聞技藝善學威儀研尋所聞不令廢忘亦
名淨行

恭敬尊重少欲知足受恩能報亦名淨行
不為八法之所動轉顏貌怡悅亦名淨行
心不憂感常得安隱若能如是一切無退眾
務休息亦名淨行

能於善法不生懈怠疾證無上解脫涅槃亦

名淨行

行七

忍辱隨語樂見沙門身行正直矜於大蔭亦

三

名淨行

能以智火燒滅煩惱具足善法勇猛無退亦

名淨行

不毀謗人不行杖楚善護諸根攝心不亂亦

名淨行

真心不貪常樂靜處精勤修習永無退轉亦
名淨行

於菩提道進而不退厭惡三界猶如死屍深
觀如此亦名淨行

心常樂捨難捨之身善能護持難持禁戒樂
修禪定而不散亂亦名淨行

無量衆生於菩提道而生退想而我能進一
切進者而我今退行住亦尔是名淨行

一切衆生燒滅善根而我生之人所樂生我
今滅之生死無極我得其邊亦名淨行

毗舍佉母聞佛所說歡喜踊躍得未曾有而
白佛言世尊優婆夷法門復有幾行

十

佛告毗舍佉有十行法汝應修學何謂為十

一者見慳貪過樂修行施二者見五根過樂

持禁戒三者見在家過樂欲出家四者見疑

惑過樂修智慧五者見懈怠過樂勤精進六

者見瞋恚過樂行忍辱七者見妄語過而樂

思行七信八者見亂心過常樂禪定九者見罪苦

過而樂慈悲十者見苦樂過樂行捨心四爾時

世尊欲重宣此義而說偈言


從施得大富 能捨所愛身 雖欲樂出家

持戒攝諸根 修學得智慧 精進斷懈怠

忍辱除瞋恚 實語不虛妄 若遇世八法

安住心不動 心常樂禪定 永無有散亂

慈悲利衆生 修捨離苦樂 若能行此法
是名大勇猛 得度法海岸 而證菩提道
毗舍佉母聞佛所說心生歡喜白佛言世尊
初有幾事應當遠離復有幾法應當親近
佛告毗舍佉有五十八法應當修學亦應遠
離何謂也謂離一切不淨之法親近淨法應
離惡法親近善法不應有養不將養及不應
往處勿往親近所應往者即便應往不應作
者終不妄作所應作者方便應作非法求得
不應用之如法而得應當受用善調身心常
樂靜處捨離欺誑行於正語厭離懶惰樂行
精進善攝諸根不令放逸先意謙敬捨於貢



高常行忍辱不生瞋恚自不誦訟善和合衆
捨不覆藏住於覆地捨無義語住於義語捨
於邪命正命自治善能量身受於飲食不樂
多求住於少欲捨於剛強住調柔地修習更
語遠離麁言捨不安樂住安樂處捨不同見
行七與等類住捨無問處往諮問處默離三界住
五亦樂三界捨一切作住無所作捨於我見修
學空法毗舍佉此五十八初法如是汝應修
行介時世尊重說偈言

若一切所學 初後無有餘 應遠離親近
已作得安樂 一切法學已 所願皆具足
捨愛身命故 而證無上道 若有如是學

於淨行法門 非聲聞緣覺 亦非證菩薩
於無量劫中 稱歎其功德

佛說偈已 毗舍佉母心 大歡喜更增上問世
尊淨行法門 復有幾種 名為大行 佛言有三
大行 汝應修行 何者 名三大行 一者大信心
二者大精進 三者大智慧 世尊云 何大信心
佛言 大信心者 信佛是佛 是婆伽婆 阿羅呵
三藐三佛陀 明行足 善逝 世間解 無上大調
御 丈夫 天人師 佛世尊 是名大信心 何者大
精進 若能於中 成精進行 一切惡法 棄捨遠
離 一切善法 應當攝取 於善法中 勇猛不息
是名大精進 何者大智慧 若人以智慧眼見

生滅法聖人所度無常若盡是名大智慧是則名為三種大行今時世尊重說偈言

大信心 深著不離 諸行具足 而求菩提

大精進 堅固難捨 勤修已滿 而求菩提

大智慧 究竟明了 具波羅蜜 而求菩提

精法增已 知大名聞 增長盡已 隨所修行

以此知故 解過人法

佛說偈已 毗舍佉母心生歡喜更增上問世

尊優婆夷淨行法門進趣佛地復有幾行

佛告毗舍佉更有四行而取佛地何謂為四

一者翹勤精進二者無惑智慧三者逝定不

退四者行慈利益衆生毗舍佉以此四法進

八

六

趣佛地。尔時世尊重說偈言。

翹勤樂精進，智慧無迷惑，逝定不退轉。

行慈利衆生，以此四法故，而證薩婆若。

佛說偈已，毗舍佉母心自歡喜，更增上問世。

尊復於幾法安住得觀云何法集無有分散。

初合法者復有幾事。

佛告毗舍佉於四法中安住得觀，謂慈悲喜。

捨其中法集無有分散，謂得聲聞智辟支佛。

智薩婆若智佛初合法者有三十二觀法所。

謂念佛念法念僧念戒念施念天阿那念般。

那念觀滅想觀身想觀寂靜想觀地水火風。

想觀青黃赤白想觀虛空想觀識處想觀胖。

脹想觀臭穢想觀穿漏想觀爛壞想觀處處
分散想觀骨肉縱橫想觀骨濕想觀白骨色
想觀一切無常想觀一切法無我想是名三
十二觀法四無量心是名安住得觀聲聞智
辟支佛智薩婆若智佛智是名法集無有分
散行七今時世尊重說偈言

若以下觀行七得聲聞智善修中觀得緣覺智
上觀滿足得菩提智

佛說偈已毗舍佉母心大歡喜更增上問世
尊於不淨法門云何心住疾離煩惱通達六
門佛告毗舍佉有三十二法門於不淨中心
所樂住疾離煩惱便通六門何者三十二法

門謂身中有髮毛爪齒皮肉筋骨肪膏髓腦
心腎肝膽大腸小腸脾肺肚胃膿血痰汗涕
垂涎淚屎尿不淨毗舍佉是為三十二不淨
之觀令心樂住淨行法門疾捨煩惱得通六
門尔時世尊重說偈言

猶如江流聚入大海於法門中流觀亦爾

善觀麤細淨以不淨無上智法佛悉通達
佛說偈已毗舍佉母心大歡喜更增上問世
尊前諸菩薩於淨行法門有幾戀著住於世
間不得解脫

佛告毗舍佉淨行法門前諸菩薩有七縛著
住於世間何謂為七一者若我得度世間未

度我欲度之二者若我得脫世間未脫我欲
脫之三者若我已覺世間未覺我欲覺之四
者若我已調世間未調我欲調之五者若我
已安世間未安我欲安之六者若我成道世
間未導我欲導之七者若我已得涅槃世間
未得我欲令其入於涅槃毗舍佉是為菩薩
七種^{行七}戀著住於世間不得解脫尔時世尊重
說偈言

已度度衆生 已脫脫衆生 已覺覺衆生
已調調衆生 已安安衆生 已導導衆生
我已得涅槃 令衆生涅槃 三界如火宅
貪欲如泥網 一切滅斷之 而證菩提道

尔時世尊說此偈已。毗舍佉母心大歡喜。更
增上問世尊淨行法門。修幾善行。一切法滿。
佛言。修三善行。令一切法滿。何謂為三善行。
法一者身善行。二者口善行。三者意善行。此
三善滿。令一切法滿。所謂得布施滿。得持戒
滿。得出家滿。得智慧滿。得精進滿。得忍辱滿。
得真實滿。得誓願滿。得慈悲喜捨滿。得四思
滿。得四定滿。得四神足滿。得五根滿。得五力
滿。得七菩提滿。得八正道滿。得九智滿。得十
力智滿。得須陀洹道智滿。得須陀洹果智滿。
得斯陀含道智滿。得斯陀含果智滿。得阿那
含道智滿。得阿那含果智滿。得阿羅漢道智

滿得阿羅漢果智滿得四智滿所謂法智未
知智名字智他心智滿得盡智滿得無生智
滿得雙神力滿得大慈三昧智滿得一切智
滿得無礙智滿毗舍佉是名修三善行滿令
一切法滿尔時世尊而說偈言

修三善行已

一切法皆滿

滿一切法已

而證^{行七}菩提道

佛說偈已毗舍佉心大歡喜更增上問世
尊淨行法門有幾大人念佛言有八大人念
何謂為八一者少欲非不少欲二者知足非
不知足二者寂靜非不寂靜四者遠離非不
遠離五者精進非不精進六者禪定非不禪

定七者智慧非不智慧八者無礙非不無礙
毗舍佉是名八大人念尔時世尊重說偈言
善定諸念念非善法若毀此念而生厭離
善定諸念念非善法觀練法相得進無上
優婆夷淨行法門修學品第二
佛說偈已毗舍佉女心大歡喜更增上問世
尊初學菩薩於淨行法門云何修學而得菩
提佛言初學菩薩有五十修學而得菩提何
者五十所謂深入法性不捨不減不隨不退
修學捨心修學多聞修學威儀修學降伏衆
魔修學光明修學佛相好修學禁戒修學三
昧修學波若修學大波若修學善行修學大

善行修学色相修学無二語修学如意足修
学上如意足修学大如意足修学妙如意足
修学意行修学已意行修学大意行修学佛
所王領修学自在修学佛心相修学滿心相
修学神通修学大神通修学真實修学王領
正法令得久住修学至極處修学佛刹土修
学佛壽命修学菩提樹修学蓮華修学佛說
法修学大法輪修学轉法輪修学善知識修
学不捨衆生修学手圓滿修学劫波樹衣修
学師子座修学右脅卧床修学佛所食味修
学毗羶闍修学如來水相毗舍佉是為五十
学法初行菩薩應當修学深入不捨不減不

墮不退汝應當知今時世尊而說偈言
一切行具足 而求寂靜法 光明照佛刹
為慈衆生故 引導諸衆生 得度三界難
一切法無窮 如來已到彼

今時世尊說此偈已毗舍佉母心大歡喜更
增上問世尊如來有幾光明初學菩薩云何
修行

佛告毗舍佉如來有六種光明何謂為六一
者青光二者黃光三者赤光四者白光五者
紅光六者光色照明毗舍佉是名如來六種
光明初學菩薩云何修行得此光明毗舍佉
菩薩為得青光明故恒以青華青塗香末香

青疊青寶而以供養若入禪定常觀青色作
已而願當來之世願得青光云何菩薩修學
黃光恒以黃華黃塗香末香黃疊黃寶而以
供養若入禪定常觀黃色作已而願當來之
世願得黃光云何菩薩修學赤光恒以赤華
赤塗香末香赤疊赤寶而以供養若入禪定
常觀赤色作已而願當來之世願得赤光云
何菩薩修學白光恒以白華白塗香末香白
疊白寶而以供養若入禪定常觀白色作已
而願當來之世願得白光云何菩薩修學紅
光恒以紅華紅塗香末香紅疊紅寶而以供
養若入禪定常觀紅色作已而願當來之世

願得紅光云何菩薩修學光色照明恒以光
明華光明塗香末香光明疊光明寶而以供
養若入禪定常觀光明作已而願當來之世
願得光明照耀毗舍佉是名菩薩修學如來
六種光明今時世尊而說偈言

佛光有六種

青色黃色光

赤白及紅色

光相最照明

若有智慧人

常當勤修行

若樂妙色光

應學廣大行

華香燈供養

恒施無上尊

修學六種行

所願皆成就

佛說偈已毗舍佉心大歡喜更增上問世

尊大人之相凡有幾種初學菩薩云何修學

佛言大人之相有三十二菩薩所修有二十

行與大人相合得成二道無有餘也何謂二
道若在家者得作轉輪聖王王四天下降伏
諸國七寶隨從一金輪寶二白象寶三白馬
寶四摩尼寶五玉女寶六藏臣寶七主兵寶
復有千子勇健威猛能伏怨敵盡大海際以

法降伏不用兵杖若出家者得成為佛天上

本中^{行七}最尊第一具三十二大人之相^{十二}何者三

十二相所謂身黃金色圓光一尋猶如融金

梵身方直項後日光頂有肉髻其髮紺青佛

身圓滿如尼俱律樹眉間毫相如兜羅綿上

下俱眈目睞紺青舌能覆面梵音八種如迦

陵頻伽聲口四十齒齒白齊密師子頰皮膚

細薄不受塵垢一一孔一毛生紺色綉軟皆
起右旋師子臆胷有卍字七合處滿手足合
縵網指纖長手內外握立手過膝陰馬藏脚
臍直鹿膈膈奩衣相千輻輪足跟長是名三
十二大人之相身

毗舍佉何者二十事修大人相如來往昔作
尾人時於善法中成就堅固不易受持身作
善行口為善行心念善行一切布施與衆生
共堅持禁戒恒住布薩供養父母沙門婆羅
門耆舊宿德六親眷屬於諸善法皆悉行已
修集滿足積聚高廣生死無量乃至一生補
處如意自在常受天樂壽命色力王位各聞

色聲香味觸受天樂已下生人間得大人相
成足下平踏地皆著舉足俱上脚踏隆起猶
如龜背以此相故若在家者得作轉輪聖王
若出家者得成阿耨多羅三藐三菩提永斷
生死得常樂涅槃內外怨家梵魔王沙門婆羅
門所不能壞是名為佛尔時世尊重說偈曰
行七
於諸法調柔 恒持齋禁戒 布施心平等
深觀無常法 一切所行業 堅固心受持
以此行業故 常生天人中 受天上樂已
還生於人中 受世間福報 而得足下平
踏地皆悉著 隨踏地起迎 若在家出家
皆有如是相 若梵天魔王 沙門婆羅門

一切諸怨家

皆悉已降伏

出家行學道

斷絕生死原

衆行已滿足

得成無上尊

復次毗舍佉云何修行千輻輪相如來往昔

作凡人時荷負衆生除其恐怖施無畏樂凡

所布施悉共衆生積業高廣不可稱計於此

命終往生天上常受妙樂如是展轉無量無

邊下生世間得大人相足下千輻輪輪相具

足如真金輪得此相已若在家者作轉輪聖

王王四天下七寶隨從常為沙門婆羅門居

士大臣長者及諸四兵之所圍遠若出家者

得成為佛大衆圍遠比丘比丘尼優婆塞優

婆夷天龍夜叉乾闥婆阿脩羅迦樓羅賢那

羅摩睺羅伽等恭敬尊重爾時世尊重說偈
言

我於無量世 展轉三界中 荷負衆生樂

為除怖畏處 善護不休息 以此功德業

常生人天中 至一生補處 兩足千輻輪

光曜如金輪 十行業所感 記成人中尊

得大衆圍遶 降伏諸魔怨 若獲^{十四}刹利種

得成轉輪王 若出家學道 得成無上尊

天人阿修羅 摩睺羅伽等 四足及非人

皆恭敬供養 名聞滿十方 衆生良福田

獲次毗舍佉云何修行三大人相如來往昔

作凡人時不害衆生捨殺生想不行杖楚一

切器仗悉不畜之恆生慙愧修習慈悲積業
高遠不可思議生死無量乃至一生補處下
生人間得三大人相一者足跟長二者指纖
長三者梵身圓直以此相故記壽命長現久
住相亦護壽命終不中夭若出家者得成為
佛壽命長遠一切世間天人沙門婆羅門無
有能害如來壽命今時世尊而說偈言

一切畏死怖刀杖

以已為喻勿行杖

是故遠難不思念

以此善行生天上

受天果報無量樂

壽盡下生得三相

指足跟長梵身滿

安置地上如金龜

柔軟纖長如金杵

身體光曜如須弥

三相記成天人尊 亦表如來壽命長

復次毗舍佉云何修行七處滿相如來往昔
無量劫中作凡人時恒作施主備饌飲食種
種甘果香美諸漿勤修布施積集高廣不可
稱計乃至一生補處常受天樂下生世間得
七處滿相肩頸臂脚皆悉圓滿十五以此相故若
在家者得作轉輪聖王世間上味具足十五而得
若出家者得成為佛所受飲食於天上人間
味中最上介時世尊而說偈言

食噉舐膏無上味 施主恒修如是行

以此善行無有量 難陀園中受快樂

業報一生下世間 得大人相七處滿

手脚柔軟無有比 以此相故得上味
在家出家皆如是 如來永斷三界漏
是故得成無上尊

復次毗舍佉云何修行手足柔軟合縵網相
佛於往昔作凡人時常以四攝攝取衆生布
施愛語利益同事有所求索不違衆生積業
高廣乃至一生補處常受天樂下生世間得
二大人相一手足柔軟二手足合縵網以此
相故若在家者作轉輪聖王攝四天下若出
家者得成法王善攝一切無量衆生比丘比
丘尼優婆塞優婆夷天龍夜叉乾闥婆阿修
羅迦樓羅賢那羅摩睺羅伽人非人等今時

世尊而說偈言

修布施愛語

行利益同事

恒以四攝法

攝衆無有餘

以此行業故

常生天人中

下生於世間

得二大人相

手足悉柔軟

俱有合縵網

微妙極細薄

外黃裏紅色

以此二相故

在家轉輪王

若以善法化

一切行七皆順行

堅受持不犯

歡喜十六讚聖王

施恩無有比

慈潤於四方

若棄捨五欲

出家得成佛

為衆生說法

聞者悉頂受

復次毗舍佉云何修行如來脚相臚直身毛

旋起

佛告毗舍佉我於往昔作凡人時恒以善法

饒益衆生常行法施初未曾說無義逆語以此業故增長廣大乃至一生補處下生世間得二大人相一脚臍直踝骨不現二者毛端旋起以此相故若在家者得作轉輪聖王人中最高妙上勝於五欲中歡喜快樂七寶太子隨從侍衛若捨家業入山學道得成爲佛天上人中最尊最上無有二者一切衆生恭敬尊重今時世尊而說偈言

恒以善法利益衆生 恒以善語教導衆生

恒以善力將侍衆生 歡喜快樂 恒行法施

無有嫉妬 以此業故 積行無量 下生人間

得大人相 一脚臍直 踝骨不現 二毛端起

悉皆右旋 若在家者 作轉輪王 王四天下
若出家者 得成為佛 天上人中 最尊最上
復次毗舍佉云何修行鹿胎腸相如來於昔
無量劫中作凡人時善勤教人一切典籍威
儀工巧醫方咒術教持禁戒悉皆具足恒自
思惟云何令人善解義趣速得通達不生疲
倦行七厭惡之心以此業故勤積高廣乃至十七一生
補處常受天樂下生世間得大人相成鹿胎
腸若在家者作轉輪聖王王四天下一切所
須供養之具隨念速得若出家者得成為佛
天上人所須供養皆悉疾得尔時世尊重
說偈言

諸典悉教

工巧及呪術

醫方察衆病

恒自作思念

云何令速成

於學不疲倦

展轉教餘人

以此行業故

積聚不可量

至一生補處

成大人相好

而得鹿胎腸

纖好成圓滿

皮細薄柔軟

毛起皆右旋

以此大人相

記成人中尊

在家轉輪王

所求皆速得

若出家作佛

一切諸供養

隨念悉具足

復次毗舍佉云何修行皮膚細軟不受塵垢

佛於往昔作凡人時若沙門婆羅門刹利居

士來至我所而問我言大德何者名善行何

者名不善何者應親近何者應遠離何者行

業得受安樂何者行業而受苦惱我於往昔
為人分別是法應作是不應作是法應行是
不應行是法得快樂是法不安樂以此業故
積行無量乃至一生補處受天福樂下生人
間得大人相皮膚細軟不受塵水譬如蓮華
雖在水中水不能汙如來身相亦復如是以
此相故行七若在家者作轉輪聖王聰明智慧於
諸世間沙門婆羅門刹利居士無有及者若
出家學道得成為佛智慧廣大利疾智慧最
上最勝諸天世人梵魔沙門婆羅門諸有智
慧無能及者今時世尊而說偈言
佛於無量世 凡人時修行 若有來問者

勤教令速成 恒在出家地 善分別義趣

以此行業故 若天上人中 常得大智慧

一生下人中 得皮膚細軟 以此相好故

成就大智慧 若獲利利種 在家轉輪王

若不樂在家 出家得成佛 獲一切種智

天上及人中 無有能及者

優婆夷淨行法門經卷上 行七

舍佞下丘稟性上悲羅馱下唐名聞下音耆

舊上渠怡悅上余猗音倚又翹勤上渠薩婆

若下汝胥脹上足江及又疋降及筋骨上音

肪膏二音心腎下時肝膽下丁脾肺上頻

反	上 行 七	根	上	恭	臆	紺	脅	反	吠
踝	骨	蹈	反	反	胃	青	業	痰	汗
瓦	上	地	上	腸	憶	暗	及	下	上
反	玄	盜	上	腸	音	及	及	虛	下
		音	軟	上	縵	右	羶	閣	上
		脚	及	時	網	及	然	上	音
		附	及	奩	官	舜	及	詩	談
		下	及	底	及	目	王	王	涕
		音	廉	上	及	睫	王	王	唾
		夫	上	音	及	下	聲	下	上
		同	音	輻	長	音	去	怨	替
		肩	音	輪	上	頰	去	敵	下
		頸	音	上	息	反	古	敵	涎
		下	音	福	及	佑	佑	敵	淚
		及	音	音	及	皮	徒	上	上
		居	音	足	於	膚	的	音	連
		及	音	跟	角	夫	反	寬	及
		時	音	下	臍	下	下	下	右
					直	音			

山城國綴喜郡薪村

靈瑞山剛恩菴沙門宗桂書寫之

